

江陵縣志卷之二十五

名勝三

第宅

明遼王府 在府城北永樂二年建

襄陽王府 遠安王府 巴東王府 松滋王府

益陽王府 衡陽王府 應山王府 宜城王府

枝江王府 沅陵王府 麻陽王府 蘄水王府

肅寧王府 長垣王府 光澤王府 廣元王府

以上諸王府俱在城內見明統志

江陵縣志

卷之二十五

名勝

第宅

一

宋玉宅 在城北三里杜少陵詩曾聞宋玉宅每欲

到荊州按宋玉宅有三一宜城城南見水經注一歸

州杜詩所謂宋玉歸州宅雲通白帝城也一江陵是

羅含宅 晉書羅含傳含為桓温別駕以廡舍喧擾

於城西三里小洲立茅屋伐木為牀織葦為席以居

渚宮記云安成王在鎮以羅含故宅借錄事劉朗之

嘗見一丈夫衣冠甚偉驚問失之朗之俄以罪見黜

人謂君章有神即今承天寺基

王鎮惡宅 府志在東湖後為靈曜寺

郭仲產宅 渚宮故事仲產爲南郡從事宅在枇杷寺南元嘉末起齋屋以竹爲樞竹遂漸生枝條長數尺扶疎葱翠蔚然如屋仲產以爲祥俄而同義宣之謀被誅

宗炳宅 宋書宗炳傳炳棲邱飲壑三十餘年於江陵三湖立宅衡陽王親至其室與之歡讌又徙居高沙湖

劉蚪宅 齊書劉蚪傳蚪罷官歸家不應辟命以江陵西沙湖卽高沙湖去人遠乃徙居之方輿勝覽高沙湖

江陵縣志

卷之三十五

名勝 第宅

二

在江陵枚迴洲上

宗測舊宅 齊書宗測傳測少靜退不樂人間齋老

莊二書往廬山止祖炳舊宅後送弟喪還西仍畱舊

宅永業寺 府志永業寺在江陵

庾信宅 卽宋玉宅西溪叢話信因侯景之亂自建

康遁歸江陵居宋玉故宅在城北三里故其哀江南賦曰誅茅宋玉之宅穿徑臨江之府李義山詩云可憐畱得臨江宅異代仍教庾信居是也

段文昌宅 錄異記文昌負才傲俗落拓荆楚間常

半酣鞞屐於江陵大街往來雨霽泥甚街側有大宅  
門枕流渠公乘醉於渠上脫屐濯足旁若無人自言  
我作江陵節度使必買此宅聞者皆笑後果鎮荆南  
買之

韋宙別業 在縣東北夢瑣言唐相國韋公宙善治  
生江陵府東有別業良田美產最號膏腴而積稻如  
坻皆爲滯穗

倪可福宅 干國春秋在縣東三十里子孫聚居其  
處號諸倪岡岡有轉魚臺乃可福故宅

### 江陵縣志

#### 卷之三十五

名勝 第宅

三

梁震宅

一名梁家臺

在城東四十里通鑑震築室於土

洲自稱荆臺隱士

注江陵九十九洲土洲其一也

臺上有百花亭李

頎詩百花亭漫漫一柱觀蒼蒼

田偉宅

在賓陽門外方輿勝覽偉燕人歸朝授江

陵尉因家焉詳流寓

胡文定公宅

方輿勝覽安國嘗爲江陵察推改除

教授今江陵北地名新店文定故宅存焉子孫世居  
於此元時曾復其家

張商英故宅

府志在城東四十里地名化港後舍

爲華嚴寺

張太師居正宅 在東城萬厯元年御題樓名捧日堂名純忠御書大字對句一聯云爾維鹽梅汝作舟楫事變樓圯惟堂獨存

張尙書純宅 在城西舊有坊曰尙書里

劉太傅楚先宅 在東城詳藝文賀逢聖劉文恪傳蘇御史惟霖宅 在龍灣市中有凌光閣

竹林堂 〔渚宮故事〕本宋臨川王劉義慶作梁元帝因而修之庭前有竹名筓竹來風防露上合下疏每

江陵縣志

卷之三十五

名勝

第宅

四

日出羅紈金翠春光秋月隔林而望若花開也其西有篠箭冬月抽筍味似筓而辛隆暑赫曦但有涼氣大其下者咸似御風其中多種薔薇劉宅紫薔薇康家四出薔薇白馬寺黑薔薇咸百里香長沙千葉薔薇多有品彙並以長格校其上使花葉相通下有十間花屋仰而望之則枝葉交映迫而察之則芬芳襲人新陽太守鄭哀送雌鶴在此堂畱其雄者尙在哀宅霜天月夜無時不鳴商旅江津聞之多爲墮淚時有野鶴飛赴庭中驅之不去卽哀宅之雄也纏綿交

頸頡頏撫翼間奏鐘磬翻然共舞婉轉低昂妙會絃  
節其間花草雖繁竹林彌盛昔豫章以樹名郡酸棗  
以棘爲邦故號竹林堂云

杞梓堂 高氏所建卽舊分省之後堂元荆湖宣慰  
使完者帖木兒重修

寶訓堂 志餘遼邸內堂宏治中建藏列代所賜宸  
翰末王憲燦有味祕草堂藏書亦富朱叔和詩從教  
身作書中蠹萬卷何曾救國亡

博文堂 志餘光澤郡邸西堂也宏治閒賜額堂後

江陵縣志

卷之二十五

名勝

第宅

五

爲慎獨樓小山園又湘陰邸有謙勤堂衡山邸有遵  
教堂皆賜額今俱不存

思節堂 在權部分司東嘉靖初主事邵經邦置先  
是江甯何遵亦以主政董權務於荆後緣諫止武宗  
巡遊廷杖死思節之名所由來也

愛君堂 在府治東明孫中丞穀僑居堂也堂前修  
竹數竿仿王子猷意名之旁有室曰槃譜閣曰繭林  
臺曰蟾岫檻曰蓼槎

東灣草堂

府志在東灣湖孔隱君自來結廬於此

因號東灣居士

樓霞樓 在城西百餘步俯臨通隍吐納江流始興記宋臨川康王劉義慶建清暑遊焉在羅公洲樓下洲上果竹交蔭長楊旁映高梧前棟雖卽城隍趣同叩壑

拱極樓 志餘在府志東南益陽郡郎樓也址高二丈許遺礎宛然閑居命駕實可憑衿袁小修目曰爽臺臺前卽王宮七楹高三丈餘深九丈宏睿響答盛暑亦涼今郡治新堂卽其材也

江陵縣志

卷之二十五

名勝

第宅

六

捲雪樓 在沙市明袁稽勳宏道別業層樓聳翠俛瞰江流風起濤湧恍如捲雪舊址大王廟前今入江流矣

萬卷閣 宋咸平初朱昂與弟協致仕上以荆南故苑賜之力辭乃賜城東一坊爲宅因建此閣藏其手抄古今書萬卷閣旁有知止幽樓二亭年皆八十人稱渚宮二疏

附記昂官工部侍郎晚年乞歸真宗寵詔畱俟秋涼比行錫宴玉津園詔令各賦詩吳淑云漢殿夜

涼初閣筆諸宮秋晚得懸車李維云清朝納祿猶  
強健白首還家正太平陳堯佐云部吏白面通爵  
里送兵千騎過荊州朝論榮之

景元閣 明湘獻王邸內閣也楚紀王幼而粹美讀  
書恆至夜分篝燈警枕精思力踐人莫窺其際開景  
元閣招延俊乂編輯墳典

青藜閣 劉文恪公致政所建

凌光閣 在龍灣市明御史蘇惟霖宅樓也蘇號潛  
夫素樸自持一室之外別無所營

江陵縣志

卷之二十五

名勝 第宅

七

高齋 [金樓子]曰荊州高齋夏月無白鳥余亟寢處  
其中及移他齋則蚊聲如雷數丈之間如此之異志  
餘王韶雍州記高齋泥色鮮淨故以名焉此云荊州  
當在湘東邸內

綠花館 [志餘]在益陽郡邸東取楊維禎煮茶夢中  
語也館前有修月堂奇花爛漫四時不絕袁小修詩  
身爲修月戶家有掃花人

湖亭 鄭審湖上亭也[志餘]審謫江陵少尹寓居城  
南之南湖杜甫至江陵同李尚書之芳遍之前後賦

詩注誤云湖亭在峽州或以本傳謂甫扁舟下峽未  
維舟而江陵亂乃游湘衡故不云江陵也不知杜集  
江陵詩至多舊史疎略不足據

楚樂亭 志餘鄭毅夫獬守江陵作楚樂亭記文甚  
佳而不傳今亭亦無攷陸放翁老學菴筆記載其事  
嗚呼士之不傳如楚樂亭者亦多矣

渚宮亭 在城西南隅高從誨置又有迎春亭在渚  
宮側

木犀亭 舊荆南驛故址亦高氏所置

### 江陵縣志

#### 卷之二十五

名勝

第宅

八

游脩亭 郡志載歐陽永叔有記爲其兄晦叔作也

肅雍亭 在楚望門外夾隄元駙馬的斤建

步香亭 在城東七里明徐吏部鑛別墅因址構園

顏曰江臯學圃園極樸野溪橋豕陌厯落藜篠間有  
梅嶺桃塢冶而不華鶯簧蛙鼓時供遊人

素香亭 遼邸內院之亭旁有亭名六合嘗見女鬼  
出沒一夕憑闌而吟曰明月滿空階梧桐落如雨涼  
颼襲人衣不知秋幾許未幾而國除亭廢矣

聽鶯亭 府志亦遼邸內院之亭



白雀亭 在段隄寺側明太史金秉乾讀書處有白雀來巢之祥因以名亭

阜亭 府志在沙市故城內明孫穀所置層阜嶄然懷煙引霧其旁爲怕志亭則劉氏別業也

曲密華房 明遼王憲燿曲宴之地又有蘇州房則貯歌舞處也

成趣園 志餘在子城外西北遼邸西園也又東北亦有園引水爲池負土爲阜步檐曲閣各有品題後爲惠邸清籟益增華矣

江陵縣志

卷之二十五

名勝

第宅

九

樂志園 在東門外明張文忠東園也又城內有南園在故第前遺沼淙淙寢爲汚瀦

平楚園 在南湖明中丞張汝濟別墅茂林修竹芳香數里中有萬玉山房

金粟園 在觀音寺側明吏部袁中道置旁有金粟菴遶屋皆巖桂也園舊有楮亭瓶隱齋珂雪齋西蓮亭諸蹟見遊居錄

有斐園 在東門外明給諫曹大威讀書處萬厯間以國本建言退居林壑閉門卻掃時比鄒陳

雉園 府志明雷同知叔聞所置在城南

國朝

宋太史學洙宅 在陟岵橋北

張侍郎可前宅 在城東鶴湖

胡參議在恪宅 在城東城河口

洪巡撫之傑宅 在縣治東

麥總兵良璽宅 在縣治東北

李郎中天植宅 在城東白菖坑

魯侍御贊元宅 在大北門

江陵縣志

卷之三十五

名勝 第宅

十

黃給諫義尊宅 在郝穴黃家場

胡太史兆蘭宅 在學道街

孟太史培楨宅 在順城街